

ebulletin

UNIVERSITI TENAGA NASIONAL

UNIVERSITI
TENAGA
NASIONAL

The National Energy University



7



19 - 22 APRIL 2018 | PUTRAJAYA

ROBOCON 2018 - PERTANDINGAN ROBOTIK PERINGKAT KEBANGSAAN



UNITEN telah menjadi tuan rumah di dalam pertandingan **Malaysia Robot Contest (ROBOCON) 2018** yang diadakan di Dewan Sarjana bermula daripada 19 hingga 22 April yang lalu. Pertandingan ini merupakan pertandingan robotik peringkat kebangsaan yang melibatkan mahasiswa IPT seluruh Malaysia. Sebanyak 36 pasukan daripada 31 IPT seluruh Malaysia yang menyertai pertandingan ini. **Mobile Robotic Club UNITEN** yang juga wakil tunggal daripada UNITEN, telah berjaya menjadi pemenang bagi kategori rekabantuk terbaik. Universiti Teknologi Malaysia (UTM) menerusi pasukan UTM A telah dinobat sebagai Juara Robocon Malaysia 2018 setelah menewaskan pasukan daripada Universiti yang sama UTM B. Manakala tempat ketiga telah dimenangi oleh TATI University College. Pemenang bagi Robocon Malaysia 2018 ini akan mewakili Malaysia ke pertandingan peringkat antarabangsa yang akan diadakan pada bulan Ogos ini di Ninh Binh, Vietnam. Perasmian Penutup Robocon 2018 ini telah disempurnakan oleh YBhg. Datin Paduka Ir. Dr. Siti Hamisah Tapsir, Ketua Pengarah Jabatan Pendidikan Tinggi.



24 APRIL 2018 | PUTRAJAYA



LAWATAN PENANDA ARAS AKADEMIK DARIPADA MRSM KEPALA BATAS

Maktab Rendah Sains MARA (MRSM) Kepala Batas, Pulau Pinang, telah mengadakan lawatan ke UNITEN, bagi tujuan oleh Jawatankuasa Penanda Aras Akademik MRSM yang diketuai oleh Pengetua MRSM Kepala Batas, Tn. Hj. Mohd Khairul Anuar bin Dato' Hj. Shafie . Lawatan ini antara lainnya, diadakan bertujuan untuk membincangkan potensi kolaborasi diantara UNITEN dan MRSM Kepala Batas, bagi kemasukan pelajar Tahfiz MRSM ke Program Huffaz Profesional di UNITEN. Dalam perbincangan itu juga pihak MRSM telah diberikan penerangan peluang mendapatkan biasiswa dan pinjaman pendidikan untuk program Huffaz dan program lain di UNITEN. Sekolah ini yang melaksanakan sistem pendidikan MRSM (SPMRSM) Ulul Albab yang menekankan program pendidikan integrasi antara program pendidikan sedia ada (Sains Tulen) dengan program aliran agama termasuk Tahfiz al-Quran merupakan landasan terbaik untuk membekalkan pelajar yang ingin melanjutkan pelajaran ke program Huffaz Professional yang ada di UNITEN.





24 APRIL 2018 | PUTRAJAYA

PROGRAM JOM BACA BERSAMA UNTUK 10 MINIT



Program **Jom Baca Bersama Untuk 10 Minit** telah diadakan pada 25 April yang lalu bermula dari jam 11.00 hingga 11.10 pagi. Program ini yang dianjurkan sempena Hari Buku Sedunia merupakan acara tahunan anjuran Perpustakaan Negara Malaysia (PNM) dengan kerjasama Perbadanan Perpustakaan Awam Negeri, Persatuan Pustakawan Malaysia (PPM), Majlis Pengarah-Pengarah Perpustakaan Se-Malaysia dan Kementerian Pendidikan dan Jabatan Pendidikan Negeri. Antara yang turut sama meluangkan masa di dalam program ini adalah anggota kerja UNITEN sebagai tanda sokongan kepada program ini. Difahamkan, program ini telah berjalan serentak di 14 buah negeri dengan mensasarkan lebih daripada 2.6 juta penyertaan dari pelbagai peringkat umur dan lapisan masyarakat.



Geospatial
Intelligence

RMATICS AN



25 APRIL 2018 | PUTRAJAYA

MAJLIS PERASMIAN RESEARCH HUB, DAN PELANCARAN PURE, IdRis, MTCS dan StaRun

Innovation & Research Management Centre (iRMC)

UNITEN telah mengadakan majlis perasmian dan pelancaran Hab Penyelidikan yang telah diadakan di Teater Pengurusan UNITEN Putrajaya. Antara tetamu kehormat yang hadir bagi merasmikan majlis ini adalah Y.Bhg. Dato' Prof. Ir. Dr. Kamal Nasharuddin Mustapha, Naib Canselor UNITEN, dan Y.Bhg. Dato' Prof. Ir. Dr. Ibrahim Hussien, Timbalan Naib Canselor Akademik dan Penyelidikan. Penubuhan hab penyelidikan ini yang melibatkan gabungan enam jabatan di bawah Institut Penyelidikan UNITEN, telah diselaraskan untuk memastikan kejayaan dalam bidang penyelidikan Universiti. Dalam majlis ini juga, turut dilancarkan Sistem Portal Maklumat Kajian dan Penyelidikan UNITEN (PURE), Sistem Integrasi Data Maklumat Penyelidikan (IdRis), Skim Kerjaya Multi-Track UNITEN (MTCS) dan Sistem Online Maklumat Penilaian Kakitangan (StaRun).



DARI PEJABAT CANSELORI



QS WORLD CLASS 2018 11TH ANNUAL SUMMIT

LOKASI: ABU DHABI, UAE

16-18 APRIL 2018



2018 INTERNATIONAL SYMPOSIUM ON LIFELONG LEARNING (ISLLE2018)

LOKASI: UTM, KUALA LUMPUR

24—25 APRIL 2018



VISIT BY EMBASSY OF THE ISLAMIC REPUBLIC OF IRAN.

LOKASI: PUTRAJAYA

26 APRIL 2018



DARI KACA MATA

OPENING MEETING RECERTIFICATION
AUDIT ISO9001:2015 & MS 1900:2014.



26 APRIL 2018

CASE STUDY METHOD WORKSHOP
PROFESSOR HABIB RAHMAN & PROFESSOR



LINTON UNIVERSITY COLLEGE
BRIEFING, APPLICATION & CAMPUS TOUR